

BONUS MULIER,

Sive

Centuria Juridica Practica Quæstio- num illustrium: De Mulieribus, vel Uxoribus.

Ex textibus juris civilis, & Canonici imprimis,

L. doce ancillam. § audacter in eam ff. de Ventre inspiciendo.

L. in copulandis § Stichus 4. § foramen in uno, & § fortiter § ff. de ventre in possess: mittendo.

L. Un: Cod: de Mulieribus in quo loco Sexui congruentia agnoscant.

Cap. cum MARTHA 10. § dignum & justum est X. de purific. post partu

Cap: Tonsura prima 12. cap. Clericus COADJUTOR 13.

Cap: Clericus adulter X. de vita & honestate Clericorum.

Et ex universo jure Pandectarum, desumpta & selecta.

QUAM PRÆSIDENTE

Magnifico, Clarissimo, & Consultissimo Viro, DN. CUNRADO TRENTACINQUIO, J. U. D. & in Illustriss: & florentissima RHODISIANA Gal-
lorum Academia pro tempore Rectore & Professore primario Celeber-
rimo pro Licentia & gradu in utroq; jure consequendo, publicè
pro viribus defendere conabitur.

JOACHIMUS EBERARTUS AB HANNOW.

EQ: MUND. &c.

Fiet Disputationis initium in majori Collegio Actorum Idus Quintil:
proximis feriis Canicularibus, & sequentibus Hilaribus Martinianis,
festivitatibusq; Bacchanaliorum, horis matutinis, vesperti-
nis, & nocturnis, quando, & quandiu quis po-
terit, & alicui videbitur.



RHODIS,

Excudebat Daniel de Baretiis,

ANNO

M. DC. XVII,

CENTURIAE JURIDI.

CAE PRACTICAE QUÆSTIO-
num illustrium.

I. THESIS.



Mulieres sive UXORES, licet non sint communes, juxta Anabaptistarum opinionem! at tamen eas, in commercio virorum esse oportet. Quemadmodum videmus plerasq; mulieres, in civitatibus Hansiaticis, in commercio esse, imprimis ubi Clerici, & Hispani, Angli, & Hollandi, dominantur, qui cum mulieribus, viris interim vinum bibentibus, & consentientibus, Commercia indefinenter exercent, idq; quia Notorium est, ullâ probatione non indiget, sed solâ allegatio sufficit.

L. Si adulteriū cum incestu sīdem pollioni ff. ad l. Iuliam de adult.

Sic CATO Uticensis summus Philosophus concessit Hortentio usum conjugis suæ, referente:

Appiano lib. 2. bell. civil.

Et Socratem summum politicum, & omnium sapientissimum, uxorem suam Xantippen usufructuariam alteri dedisse, Scribit Plutarchus in vita Socratis.

Laërt lib. 2. in vitæ ejusdem.

Unde apud Spartanos Lex erat, licere cum uxore alterius consuetudinem habere, si modo vir permitteret, quod & Cicero in pr. librorum suorum de inventione attestatur.

Uxores autem Communes esse debere CARPOCRATES docuit, quod etiam de secta Nicolaitarum scribitur in Ecclesiastica Historia lib. 3. cap. 29. Unde apud multas Gentes communem mulieris usum per mansisse testantur.

Diodor. Sicul. lib. 1. cap. 1. Alexand. lib. 1. cap. 1. Calius Rhodig. lib. 1. cap. 18.

Hinc Cabades Rex Persarum qui adhuc hodie Nicolaum